



Bosnia and Herzegovina
Federation of Bosnia and Herzegovina
CANTON SARAJEVO
Ministry of Labour, Social Policy,
Displaced Persons and Refugees

Broj: 13-02/2-01-27499-11/24
Sarajevo, 18.06.2024. godine

Na osnovu člana 70. stav (1) i (3) Zakona o javnim nabavkama BiH („Službeni glasnik BiH, broj 39/14 i 59/22), a u skladu sa preporukom Komisije za javnu nabavku usluga koje se odnose na Nabavku usluga promocije hraniteljstva broj 13-02/2-01-27499-10/24 od 18.06.2024. godine i Zapisnika o ocjeni ponuda broj 13-02/2-01-27499-9/24 od 18.06.2024. godine ministrica Ministarstva za rad, socijalnu politiku, raseljena lica i izbjeglice Kantona Sarajevo, donosi:

ODLUKU
o izboru najpovoljnijeg ponuđača i dodjeli ugovora
-PROMOCIJA HRANITELJSTVA-

Član 1.

Prihvata se preporuka Komisije za javnu nabavku broj 13-02/2-01-27499-10/24 od 18.06.2024. godine, te se ugovor o nabavci usluga koje se odnose na Nabavku usluga promocije hraniteljstva po provedenom otvorenom postupku javne nabavke dodjeljuje ponuđaču WolfMedia d.o.o. Sarajevo čija je ponuda broj PN 71/24 od 03.06.2024. godine. godine ocijenjena najpovoljnijom.

Član 2.

Za izvršenje ove odluke zadužuje se Ministarstvo za rad, socijalnu politiku, raseljena lica i izbjeglice Kantona Sarajevo.

Član 3.

Ova Odluka objavit će se na web stranici Ministarstva za rad, socijalnu politiku, raseljena lica i izbjeglice Kantona Sarajevo www.mrsri.ks.gov.ba, istovremeno sa upućivanjem iste svim ponuđačima koji su učestvovali u postupku javne nabavke.

Član 4.

Ova Odluka stupa na snagu danom donošenja.

Obrazloženje

Postupak javne nabavke: Nabavka usluga promocije hraniteljstva pokrenut je Odlukom o pokretanju postupka javne nabavke broj 13-02/2-01-27499/24 od 07.05.2024. godine. Tenderskom dokumentacijom je utvrđeno provođenje otvorenog postupka javne nabavke sa kriterijom najniže cijene. Procijenjena vrijednost nabavke je: 85.470,00 KM.



Obavještenje o javnoj nabavci je objavljeno na Portalu javnih nabavki pod brojem 568-1-2-25-3-6/24 dana 15.05.2024. godine dok je sažetak obavještenja objavljen u "Službenom glasniku BiH". Krajnji rok za dostavljanje ponuda prema obavještenju i tenderskoj dokumentaciji objavljenoj na Portalu javnih nabavki bio je 04.06.2024. godine do 15:00 sati. Javno otvaranje ponuda zakazano je za 05.06.2024. godine u 16:00 sati.

Komisija za javne nabavke imenovana Rješenjem o imenovanju komisije broj 13-02/2-01-27499-1/24 od 07.05.2024. godine, dana 05.06.2024. godine sačinila je Zapisnik o otvaranju ponuda u kojem je konstatovano da su za predmetnu javnu nabavku blagovremeno pristigle tri ponude u krajnjem ostavljenom roku i to ponude ponuđača:

1. OD SmartLab Sarajevo
2. IT Kahvana Group d.o.o. Sarajevo
3. WolfMedia d.o.o. Sarajevo

Na javnom otvaranju ponuda održanom 05.06.2024. godine u 16:00 sati prisustvovao je predstavnik ponuđača IT Kahvana Group d.o.o. Sarajevo i to direktor navedenog ponuđača Tarik Halilović.

Prema obrascu za cijenu ponude dostavljene su sljedeće ponude:

Ponuđač:	OD SmartLab Sarajevo	IT Kahvana Group d.o.o. Sarajevo	WolfMedia d.o.o. Sarajevo
Cijena ponude bez PDV-a:	85.450,00 KM	85.450,00 KM	79.200,00 KM
Popust koji dajemo na cijenu ponude (%):	0%	0%	1%
Cijena ponude sa uključenim popustom bez PDV-a:	85.450,00 KM	85.450,00 KM	78.408,00 KM
PDV na cijenu ponude sa uključenim popustom:	14.526,50 KM	0,00 KM	13.329,39 KM
Ukupna cijena ponude (sa uračunatim PDV-om):	99.976,50 KM	85.450,00 KM	91.737,36 KM

Komisija je konstatovala da nije bilo neblagovremeno pristiglih ponuda. Zapisnik o otvaranju ponuda je putem pošte i e-maila dana 06.06.2024. godine upućen ponuđačima koji su dostavili ponude, dok je ponuđaču IT Kahvana Group d.o.o. Sarajevo kopija zapisnika uručena odmah nakon popunjavanja i potpisivanja zapisnika. Komisija je izvršila analizu pristiglih ponuda provjerom sadržaja i validnosti dokumentacije koju su ponuđači dostavili, te je tom prilikom konstatovano da su ponude ponuđača IT Kahvana Group d.o.o. Sarajevo i WolfMedia d.o.o. Sarajevo prihvatljive, te da su navedeni ponuđači dostavili urednu dokumentaciju i ispunili sve uslove postavljene tenderskom dokumentacijom dok je ponuda ponuđača OD SmartLab Sarajevo ocijenjena kao neprihvatljiva iz sljedećih razloga:

Naime, članom 6. tenderske dokumentacije određena je procijenjena vrijednost nabavke u iznosu od 85.470,00 KM dok je članom 20. tenderske dokumentacije određen način određivanja cijene ponude.

Prilikom ocjenjivanja dostavljenih ponuda Komisija je uočila da u Obrazcu za cijenu ponude postoje greške računске prirode u stavkama 9., 10. i 11. gdje je za stavku 9. „Zakup medijskog prostora za emitovanja TV spota na najgledanijim TV medijima na prostoru BiH, sa fokusom na FBiH“ određena količina je 5 komada i u ponudi je navedena jedinična cijena od 2.500,00 KM i ukupan iznos od 10.000,00 KM dok treba da stoji 12.500,00 KM, za stavku 10. „Zakup medijskog prostora za emitovanje Radio jingla na najslušanim radio stanicama sa fokusom na FBiH“ određena količina je 5 komada i u ponudi je



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

2/4

navedena jedinična cijena od 1.300,00 KM i ukupan iznos od 3.900,00 KM dok treba da stoji 6.500,00 KM i za stavku 11. „Izrada visuala i zakup medijskog prostora za oglašavanje na društvenim mrežama“ određena količina je 3 komada i u ponudi je navedena jedinična cijena od 1.500,00 KM i ukupan iznos od 3.000,00 KM dok treba da stoji 4.500,00 KM. U skladu sa članom 5. i 17. Uputstva za pripremu modela tenderske dokumentacije i ponuda nakon ispravki računskih greški cijena ponude bez PDV-a bi iznosila 92.050,00 KM dok cijena ponude sa PDV-om iznosi 107.698,50 KM.

Postupajući u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) Komisija je dana 06.06.2024. godine uputila Zahtjev za prihvatanje ispravke računске greške ponuđaču OD SmartLab Sarajevo gdje isti pozvan da u roku od 3 dana dostavi svoj odgovor na Zahtjev za prihvatanje ispravke računске greške uz napomenu na član 17. stav (5) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) da se jedinična cijena stavke ne smatra računskom greškom. Ponuđač OD SmartLab Sarajevo je zahtjev zaprimio 08.06.2024. godine i isti je blagovremeno u ostavljenom roku dostavio svoje odgovor. U dopisu naslovljenom kao „Obrazloženje i ispravka grešaka u dostavljenoj ponudi“ ponuđač OD SmartLab Sarajevo ističe da odbija ispravku računске greške i da je računska greška nastala pri dijeljenju ukupnog iznosa sa količinom, što je dovelo do pogrešno izračunatih jediničnih cijena. Za stavku 9. je navedeno da bi ispravna jedinična cijena bila 2.000,00 KM, da je u ponudi pogrešno navedena jedinična cijena od 2.500,00 KM, ali da je ukupan iznos ispravan, za stavku 10. je navedeno da bi ispravna jedinična cijena bila 780,00 KM, da je u ponudi pogrešno navedena jedinična cijena od 1.300,00 KM, ali da je ukupan iznos ispravan i za stavku 11. je navedeno da bi ispravna jedinična cijena bila 1.000,00 KM, da je u ponudi pogrešno navedena jedinična cijena od 1.500,00 KM, ali da je ukupan iznos ispravan. Nakon uvida i ocjene dostavljenog odgovora Komisija je utvrdila da je isti kontradiktoran s obzirom da se odbija zahtjev za ispravku greške, ali se u više navrata navodi da je upisana pogrešna jedinična cijena i insistira se na ispravci iste. Kako je to prethodno navedeno članom 17. stav (5) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) jedinična cijena stavke se ne smatra računskom greškom s obzirom da ponuđač sam određuje jediničnu cijenu, a greške nastale usljed dijeljenja ukupne ponuđene cijene za svaku stavku sa traženom količinom padaju na teret ponuđača tako da odgovor na Zahtjev za ispravku računске greške se ne može cijeliti kao adekvatno obrazloženje za nastale računске greške.

Imajući u vidu da nakon izvršenih ispravki računskih greški cijena ponude bez PDV-a bi iznosila 92.050,00 KM dok cijena ponude sa PDV-om iznosi 107.698,50 KM pa u skladu sa članom 6. tenderske dokumentacije i članom 2. Zakona o javnim nabavkama („Službeni glasnik BiH“, broj 39/14 i 59/22) ponuda je ocijenjena kao **neprihvatljiva**.

Pored navedenog ponuđač nije ispunio minimalne uslove tehničke i profesionalne sposobnosti postavljene članom 15. tenderske dokumentacije kojim je kao uslov postavljena uspješna realizacija najmanje 3 (tri) ugovora za izvršenje usluga čiji su karakter i kompleksnost slični predmetu nabavke (marketing i promocija), minimalne ukupne ugovorene vrijednosti od 85.470,00 KM, u posljednje 3 (tri) godine, pojedinačno ili zbirno, računajući od momenta predaje ponude ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od tri godine od momenta predaje ponude dok se za dokaz o ispunjenosti ovog uslova tražilo:

a) Spisak izvršenih ugovora o izvršenju usluga čiji su karakter i kompleksnost slični predmetu nabavke (marketing i promocija), koji sačinjava sam ponuđač na svom poslovnom memorandumu, potpisan i ovjeren pečatom od strane ponuđača, koji sadrži ugovore minimalne ukupne ugovorene vrijednosti jednake procijenjenoj vrijednosti nabavke, u posljednje 3 (tri) godine pojedinačno ili zbirno, koji za svaki izvršeni ugovor naveden u spisku obavezno sadrži naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora.



b) Uz spisak izvršenih ugovora ponuđač je dužan dostaviti potvrde o uredno izvršenim ugovorima iz prethodne tačke a) koje su izdali primaoci usluga, a koje obavezno sadrže: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora i navode o urednom izvršenju ugovora. Potvrda o uredno izvršenom ugovoru treba biti data na memorandumu primaoca usluga, ovjerena pečatom i potpisana od strane odgovornog lica primaoca usluga. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede.

Tačno je da je ponuđač OD Smart Lab Sarajevo u svojoj ponudi dostavio spisak izvršenih ugovora (u kojem su navedena 3 izvršena ugovora) i potvrde od tri primaoca usluga, ali u dostavljenim potvrdama kao i spisku nije moguće utvrditi da li su navedene cijene iskazane sa ili bez PDV-a s obzirom da isto nije navedeno.

Planom javnih nabavki Ministarstva za rad, socijalnu politiku, raseljena lica i izbjeglice Kantona Sarajevo broj 13-02/2-11-1631/24 od 18.01.2024. godine utvrđeno je da procijenjena vrijednost nabavke iznosi 85.470,00 KM, te je cijena najpovoljnije ponude koju je ponudio ponuđač WolfMedia d.o.o. Sarajevo u okviru planiranih i obezbjeđenih sredstava za predmetnu nabavku.

Imajući u vidu navedeno, Komisija je konstatovala da je u skladu sa kriterijem "najniža cijena" najpovoljnija ponuda ponuđača WolfMedia d.o.o. Sarajevo, te je ministrici Ministarstva za rad, socijalnu politiku, raseljena lica i izbjeglice Kantona Sarajevo dostavila Preporuka broj 13-02/2-01-27499-10/24 od 18.06.2024. godine, kojom je predloženo da donese odluku kojom će u skladu sa kriterijem "najniža cijena" ugovor dodijeliti navedenom ponuđaču.

Nakon razmatranja dostavljene Preporuke ministrici Ministarstva za rad, socijalnu politiku, raseljena lica i izbjeglice Kantona Sarajevo ista nije našla razloge nepravilnosti niti propuste u radu koji bi eventualno predstavljali osnov za neprihvatanje Preporuke Komisije, te je odlučeno kao dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Kancelariji za razmatranje žalbi BiH putem ugovornog organa u roku od 10 (deset) dana. Žalba se podnosi u najmanje 3 (tri) primjerka.

Pripremio: Kenan Herco, stručni savjetnik za pravne poslove i javne nabavke

Kontrolisali: Nuriya Hodžić, pomoćnik ministrice

Dostaviti:

1. OD Smart Lab Sarajevo
2. IT Kahvana Group d.o.o. Sarajevo
3. WolfMedia d.o.o. Sarajevo
4. Evidencija
5. a/a



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba